



痘科類編釋意卷之三

竹集

方者彷彿也彷彿其疾而立方古人立方必有深意一方有一方之旨必將旨意剖晰分明然後敢用其方但舊方新病難以符合又不能無加減也所以又類四卷必將本草每味說明俾知群藥併用對搭相宜之義又悉痘藥正品痘家藥忌之性以便擇用庶不侔於世之用藥懵懵然如在夢中者

目錄

知症爲方藥性總論

紙撚照法 一

升麻葛根湯 二

元參升麻湯 附方

參蘇飲 三

敗毒和中湯 四

清解散 五

蘇解散 六

溫中益氣湯 七

牛黃清心丸 八

粉紅丸 九

惺惺散 十

三豆湯 十一

辟穢香 十二

涼血化毒飲 十三

固陽散火湯 十四

九味神功散 十五

清地退火湯 十六

猪尾膏 十七

南金散 十八

雙解散 十九

豆蔻丸 二十

活血散 二十一

平和湯 二十二

薑附湯 二十三

調元化毒湯 二十四

保元湯 二十五

當歸活血湯 二十六

九味順氣飲 二十七

十全大補湯 二十八

人參白朮散 二十九

胭脂塗法 三十

桂枝葛根湯 三十一

十宣散 三十二

水楊湯 三十三

快癍湯 三十四

黃芪建中湯 三十五

羌活湯 三十六

羌活防風湯 附方

人牙散 三十七

獨聖散雞冠血 附方

羌活救苦湯 三十八

瀉黃散 三十九

四聖散 四十

加味保元湯 四十一

涼血解毒湯 四十二

胡荽酒 四十三

通幽散 四十四

猪胆導法 四十五

猪胞導法 又四十五

連翹湯 四十六

牛李膏 四十七

通關散 四十八

陳氏木香散 四十九

異功散 五十

理中湯 五十一

紫草飲子 五十二

茵陳薰法 五十三

無價散 五十四

內托散 五十五

參歸鹿茸湯 五十六

千金內托散 五十七

清毒活血湯 五十八

鹿茸酒 五十九

龍腦安神丸 六十

白龍散 六十一

生肌散 附方

快癰越婢湯 六十二

甘桔湯 六十三

敗草散 六十四

綿繭散 附方

天水散 六十五

百花膏 六十六

溫表調中湯 六十七

甘露回天飲 六十八

四苓散 六十九

當歸解毒湯 七十

清表解毒湯 七十一

回漿散 七十二

除濕湯 七十三

桂枝解毒湯 七十四

五苓散 七十五

人參白虎湯 七十六

宣風散 七十七

小柴胡湯 七十八

蕎麥粉 七十九

清金導赤飲 八十

四君子湯 八十一

象牙散 八十二

大連翹湯 八十三

人參清神湯 八十四

荆防敗毒散 八十五

人參固肌湯 八十六

竹葉石膏湯 八十七

解毒內托散 八十八

拔毒膏 八十九

小柴胡加生地黃湯 九十

防風解毒湯 九十一

蟬蛻散 九十二

蒼朮黃連湯 附方

四物湯 九十三

洗肝明目散 九十四

參歸大補湯 九十五

十三味敗毒散 九十六

升天散 九十七

消毒飲 九十八

八正散 九十九

導赤散 一百

大柴胡湯 一百一

承氣湯 一百二

聚變百祥丸 一百三

解毒散 一百四

加味清肺飲 一百五

人參黃芪湯 一百六

加味四聖散 一百七

排毒散 一百八

二陳湯 一百九

羌活當歸湯 一百十

人參敗毒散 一百十一

桂枝大黃湯 一百十二

芍藥防風湯 一百十三

平胃散 一百十四

枳殼散 一百十五

四聖湯 一百十六

小無比散 一百十七

人參清膈散 一百十八

四順清涼飲 一百十九

安神丸 一百二十

柴苓湯 一百二十一

寧神湯 一百二十二

抱龍丸 一百二十三

補中益氣湯 一百二十四

麥門冬湯 一百二十五

葛根解毒湯 一百二十六

人參麥冬湯 一百二十七

髮灰散 一百二十八

清肺湯 一百二十九

犀角地黄湯 一百三十

加味鼠黏子湯 一百三十一

黃芩湯 一百三十二

益黃湯 一百三十三

阿膠住車丸 一百三十四

薤白散 一百三十五

柴葛桂枝湯 一百三十六

加味犀角湯 一百三十七

五皮湯 一百三十八

胃苓湯 一百三十九

人參四苓五皮湯

一百四十

吹口丹

一百四十一

擦牙散

一百四十二

甘露飲

一百四十三

洗肝散

一百四十四

地黃散

一百四十五

龍胆草湯

一百四十六

兔糞丸

一百四十七

望月砂散

一百四十八

玉鎖匙

一百四十九

定中湯

一百五十

獨參湯

一百五十一

備用方

古方抱龍丸

一百五十二

麝香抱龍丸

一百五十三

琥珀抱龍丸 一百五十四

匏集

附錄馬之騏麻疹效方

三拘湯 百五五

內托散 百五六

消毒湯 百五七

麻黃湯 百五八

養榮湯 百五九

化癩湯 百六十

白虎湯 又百六十

黃連麥冬湯 百六一

生地黄散 百六二

黃連解毒湯 百六三

又生地黄湯 百六四

活血散 百六五

黃連杏仁湯

百六六

兒茶散

百六七

山梔子湯

百六八

消毒飲

百六九

清肺散

百七十

涼膈散

百七一

清金降火湯

百七二

麥冬清肺飲

百七三

又麥冬清肺飲

百七四

桔梗湯

百七五

蘇合丸

百七六

黃芩湯

百七七

三仙散

百七八

瀉白散

百七九

白朮黃芩湯

百八十

三黃湯

百八一

當歸六黃湯

百八二

地黃湯

百八三

獨棗丹 百八四

雄黃散 百八五

調中湯 百八六

清胃散 百八七

化蟲丸 百八八

又化蟲丸 百八九

調胃散 百九十

通聖散 百九一

防風通聖散 百九二

元參升麻湯 百九三

瀉心散 百九四

瀉心湯 百九五

承氣湯 百九六

調中湯 百九七

陽毒升麻湯 百九八

梔子仁湯 百九九

石膏湯 二百

黃連橘皮湯 二百一

升麻鼈甲湯 二百二

大青四物湯 二百三

黑膏 二百四

加味敗毒散 二百五

犀角消毒飲 二百六

石膏六合湯 二百七

解毒防風湯 二百八

加味羌活散 二百九

消風散 二百十

葛根橘皮湯 二百十一

漏蘆湯 二百十二

又漏蘆湯 二百十三

固胎飲 二百十四

金匱當歸散 二百十五

升麻六合湯 二百十六

麥湯散 二百十七

翟氏原本方目終

附補摘錄張會卿方藥

射干鼠粘子湯 二百十八  
前胡枳殼湯 二百十九

柴歸飲 二百二十  
解毒湯 二百二十一

疎邪飲 二百二十二  
涼血養營湯 二百二十三

柴葛煎 二百二十四  
真人解毒湯 二百二十五

搜毒煎 二百二十六  
九味異功散 二百二十七

六物煎 二百二十八  
六氣煎 二百二十九

五物煎 二百三十  
透邪煎 二百三十一

益元散 二百三十二  
辰砂益元散 附

即六一散

補遺

加味四苓散

二百三三

參朮散

二百三四

痘科類編釋意卷之三 竹集

綠野堂

益都翟良輯

武林約齋爾定裴

經校訂重鐫

知症爲方藥性總論

嘗論醫要先達陰陽之理始能知症爲方稽之邵堯夫曰  
東赤南白西黃北黑此正色也驗之于曉午暮夜之時見  
之矣此一陽之氣色色之遞變也蓋東方甲乙木色青今  
曰赤是一陽初發之氣光芒內含精光始露木應乎春萬  
物蠢動之時生意勃勃如木之始萌也南方丙丁火色紅

今日白是一陽遞變之氣光芒開放精光呈著火應乎夏  
萬物長養之時生意盡發如火之大明也西方庚辛金色  
白今日黃是一陽遞變之氣光芒內斂精光潛收金應乎  
秋萬物成實之時生意歸根如金之從革也北方壬癸水  
色黑今日仍曰黑是一陽之氣至此則光芒盡藏精光不露  
晝轉夜而黑矣水應乎冬萬物閉藏之時生意返本還元  
如水之潛伏也惟土寓于四季萬物土中生特旺于夏季  
之末萬物成實而土色見矣若痘瘡之初出一點血東赤  
也血化爲膿南白也膿老漿熟西黃也膿乾結痂北黑也

是亦一陽之氣氣色遞變皆正色也痘始終賴脾土津液以養成所以成實之時色亦黃也此痘之陰陽和順氣血交會循序成功最順者也外此而有陰陽不和氣血乖離雜症所擾不能循序成功者又不能不藉以方藥然藥亦有陰陽如藥之五氣寒熱溫涼平也溫熱則爲陽而寒涼爲陰藥之五味辛甘酸苦鹹也辛甘則爲陽而酸苦鹹爲陰一藥之中亦有陰陽氣爲陽氣厚爲陽中之陽氣薄爲陽中之陰味爲陰味厚爲陰中之陰味薄爲陰中之陽清陽升浮發腠理而實四肢濁陰降沉走五臟而歸六腑是

藥有寒熱溫涼平之性辛甘酸苦鹹之味升降浮沉之能  
內寓補瀉之用如此至于爲方則又當有配合之法矣如  
辛甘發散爲陽則用辛涼甘寒之劑味雖陽而氣則陰也  
酸苦湧瀉爲陰則用酸熱苦溫之劑味雖陰而氣則陽也  
瀉中有補則瀉爲主而補佐之也補中有瀉則補爲主而  
瀉佐之也氣味相和陰陽相濟補瀉得宜必使陽毒之氣  
順其流行之勢而不失遽變之序始于春夏終于秋冬也  
今之醫痘者辛甘溫熱之群聚偏于陽而不知濟之以陰  
酸苦寒涼之合同偏于陰而不知濟之以陽使陽毒之氣

有春無秋有冬無夏是皆昧于陰陽之理以天人命者醫云乎哉爲醫必洞晰陰陽之理知症之後繼以方藥始能成扶危濟險之功若知其症而不知爲方雖扁鵲之識徒嘵嘵而無用也是觀形察色認症爲治痘之第一着而爲方亦不屬第二也所謂爲方者或因症立方或酌古方真見其與症相宜或加減而後用非如世之道聽塗說某方極效可治某症輒輕投而嘗試也況古人之方皆古人之成案隨症立方各有深意非泛然也若能探索古人立方之意因症權宜之妙則亦可以效法古人而爲方矣今將

古方藥性一一說明于後俟後學潛心體會便于爲方

古今經驗諸方

紙撚照法

用草紙或紅東紙做紙撚

浙中用紫綿紙者多

如小指大蘸清油

于燈上往來薰熾令紙條無泡不爆又飽蘸油卽以火  
然紙撚于兩顴照之以目邪視則皮內之色形俱可見  
矣若中庭正照則黯而不見若日間以天日照之則亦  
不見撚照之時窗戶俱宜遮蔽

升麻葛根湯 二

此解表發散之方也表熱壯盛邪實于表經曰輕可以去實故用升葛以疏表所以然者升麻能解疫毒升陽於至陰之下以助發生之氣葛根能解熱毒兼疏營衛以導起發之機二味之外又加甘草佐之以和在表之氣芍藥佐之以和在裏之營去其實邪和其營衛風寒則解痘疹則出誠良劑也雖至四五日痘中夾疹者亦宜用之古人謂但見紅點不可服升麻葛根湯恐發散表虛也此蓋謂痘稀毒少者言也後人不達立言之旨

遽謂凡出痘子纔見紅點真不可服殊不知此四味乃  
發表解毒疎通氣血升降陰陽之劑痘出太密者正宜  
常服以解之令陷者升之燥者潤之鬱者疏過者平陰  
精不衰而陽毒不亢也若痘稀者他藥且不必服况此  
湯乎

升麻

葛根

赤芍

甘草

各等分

水一鍾煎七分溫服不拘時

元參升麻湯 附方

此亦解表發散之劑也升防荆芥解表發散使邪氣盡出于外而不留伏于中佐以甘草元參牛蒡子解毒瀉火令氣血清涼使毒邪有制而不為正害也痘瘡發熱者宜用之

元參

升麻

去散小根  
各二錢

甘草

八分

防風

荆芥

牛蒡子

各六分

水一鍾煎五分

參蘇飲 三

此發表安裏之方也風寒客于外故用紫蘇乾葛以發  
表痰嗽壅于內故用半夏陳皮前胡桔梗茯苓以安裏  
邪去之後中外必虛人參甘草急固其虛此則表和而  
痘易出裏和而氣不虛

人參 三分

蘇葉

桔梗

乾葛

前胡 各四分

陳皮

茯苓 各五分

枳殼 三分半

半夏 二分

甘草 一分半

水一鍾煎七分溫服不拘時

敗毒和中散 四

此清熱解毒疏利之方無論表裏虛實大凡熱者皆可

用

連翹

去心 蒂

牛蒡子

炒研

麥冬

去心 各八分

黃連

酒炒

枳殼

炒各七分

前胡

木通

各五分

小川芎

桔梗

紫草

甘草

升麻

各四分

蟬退

去翅足 七個

大便秘者加大黃不秘則不必加水一大鍾煎五分温

服

清解散 五

此方表裏雙解令痘毒發越有攻無補

防風

荆芥

蟬退

桔梗

黃芩

酒炒

黃連

酒炒

紫草

小川芎

木通

各四分

前胡

乾葛

升麻

連翹

牛蒡子

各五分

山查

八分

甘草

三分

薑

三片

水一鍾煎五分溫服

蘇解飲 六

此解表疏利之方也內熱正作忽為風寒所襲鬱滯不  
行者用之

防風

荊芥

蟬退

桔梗

紫草

木通

羌活

小川芎

牛蒡子

各四分

前胡

乾葛

升麻

連翹

蘇葉

白芷

各五分

甘草

三分

山查肉

八分

薑三片水鍾半煎至半鍾溫服

温中益氣湯 七

此方氣血雙補疏通隧道內有木香官桂用之以達四肢直入經絡

人參

白朮

各五分

歸身

山查肉

茯苓

各六分

炙甘草

白芷

川芎

防風

各四分

木香

官桂

各二分

生黃芪

八分

生薑一片棗一枚水一大鍾煎四分服

牛黃清心丸 八

牛黃 二分半

辰砂 一分錢五分

黃連 生用 五錢

鬱金 二錢

黃芩

山梔 各三錢

共研細末臘雪水調麵糊為丸如黍米大每服七八丸  
燈心湯送下

粉紅丸 九 一名溫驚丸

此安心神清熱化痰之方

半胆南星

四兩

辰砂

一錢五分

天竺黃

五錢

龍腦

五分

坏子胭脂

一錢

共為細末牛胆汁和丸雞豆子大每服一丸小者半丸

沙糖溫水化下

惺惺散 十

此療發熱體弱者之方也參苓甘朮防其虛也細辛桔梗所以疏其陽花粉芍藥所以和其陰

人參

桔梗

炙甘草

白茯苓

花粉

白朮

白芍

各等分

細辛

減半

右為細末每服二錢水一鍾薄荷葉五片煎七分不拘時溫服一方有防風川芎

三豆湯 十一

此扁鵲方也黑豆能解腎經之毒治其相火赤小豆解  
心經之毒治其君火菘豆解陽明經之毒治其胃火

大黑豆

赤小豆

菘豆

每日各用一鍾同入砂器內水煮爛連湯帶豆與小兒  
食之

碎穢香 十二

蒼朮 一觔

大黃 半觔

剉細研爐中燒之不可間斷

涼血化毒飲 十三

歸芍生地紅花用之以活血涼血牛蒡紫草山豆根用之以解毒化毒桔梗雖爲舟楫之用然其味苦亦能令肺氣降而不滯木通又所以利小便而殺其毒也

歸尾

赤芍

生地

木通

連翹

紅花

紫草

桔梗

牛蒡子

山豆根

咬咀片白水煎調燒人糞八分服

固陽散火湯 十四

參芪甘草保元湯也此大補之劑加之以防風書云黃芪惡防風得防風其力愈大為其偕防風之力以達于表也當歸生地連翹又能清熱涼血升麻葛根荆芥乃散火之聖藥木通利小便與生地並用則能解心熱自小腸而達於膀胱熱隨溺出矣

人參

黃芪

甘草

當歸

升麻

葛根

連翹

防風

生地

木通

去皮節

荆芥穗

水煎服

九味神功散 十五

此方本于扁鵲之四聖華陀之保元可謂奪造化之權而定危亡之命稱曰神功非虛譽也華陀論氣尊血分者生毒叅陽位者死夫氣宜尊于血分故保元湯以參芪提其氣欲使氣升而血附此方以二味爲君者正所以引其氣也毒不宜叅于陽位故四聖以紫草白芍行其滯血使血氣活動毒隨血氣而行此方以二味外又加紅花生地汁爲臣者所以活其血也毒之所乘以相火萃于陽明而作熱此方以牛蒡爲佐者正所以解其

毒而止沸息薪者也毒之所發因風寒客于腠理而作  
熱此方以前胡爲佐者所以散其鬱而緩蒸去毒者也  
又加以甘草所以和合諸藥而使同用焉此方一面托  
裏一面解毒挽回造化發洩天機真不朽之妙方也

人參

紫草

紅花

生地

黃芪 蜜炙

嫩前胡

牛蒡子

白芍藥

甘草

水煎熱服

清地退火湯 十六

此活血解毒之方痘出而身熱不退者用

地骨皮 一錢  
地膚子 九分  
牛蒡子 炒七分  
柴胡 一錢五分

紫草  
乾葛 八分  
連翹 六分  
當歸 五分

木通 三分  
蟬退 去翅足 四個

薑一片水一大鍾煎至五分溫服

猪尾膏 十七

取真正片腦兒大者用一分兒小者用半分研細末以器盛之將小猪割去尾尖提起兩耳令滴血數點于器內白湯和服若鄉村無片腦麻黃煎湯調服亦可

南金散 十八

痘已出而復隱其勢甚危者此方主之小兒氣體怯弱外感不正之氣則痘已出而復隱荷葉芬香可以却穢得震卦仰盃之象可升其生生之氣而長養痘瘡佐以白殭蚕一以取其就毒化毒一以取其疏利風痰

紫背荷葉

取霜後搭水者

白殭蚕

取直者炒去絲等分

共爲末每服五分葫荑汁和酒調下

雙解散 十九

此表裏兼治之方痘瘡表裏俱實者非此不解蓋防風  
解表藥也邪熱之在皮膚者能使之由汗而瀉荊芥薄荷  
荷清上藥也邪熱之在巔頂者能使之由鼻而瀉大黃  
通利藥也能使邪熱之在腸胃者由便而瀉滑石水道  
藥也能使邪熱之在決瀆者由溺而瀉邪熱淫于膈肺  
胃受之石膏桔梗能清肺胃也而連翹黃芩又所以却  
諸經之遊火火熱灼其血川芎當歸芍藥可以養之火  
熱損其氣白朮甘草可以益之桂枝甘辛大熱能領諸

藥走經絡而表裏無滯解表有防風荆芥薄荷川芎解裏有石膏滑石黃芩連翹大黃復有桔梗白术甘草以調氣當歸芍藥以和氣營衛皆和表裏俱暢故曰雙解

防風

川芎

當歸

白芍

大黃

薄荷葉

連翹

荆芥穗

白术

桂枝

石膏

桔梗

黃芩

滑石

甘草

生薑

各八分

二錢四分

一錢

三片

水一鍾半煎至半鍾不拘時溫服

豆蔻丸 二十

此方治中虛大瀉之劑也然有濕而瀉有滑而瀉有積而瀉濕瀉者宜燥之枯礬赤石脂正所以燥濕也滑瀉者宜澁之龍骨訶子正所以澁滑也積瀉者宜消之豆蔻砂仁正所以消之也木香者調其滯氣和其腹中而

已

肉豆蔻 五錢

木香

砂仁

白龍骨 煨

訶黎勒肉 錢

赤石脂 煨

白枯礬 各七錢五分

右為細末麪糊丸黍米大一歲服三五丸米飲下

活血散 二十一

此理痘中氣血凝滯之方也氣貴利而不貴滯血貴活而不貴凝木香川芎調其氣滯芍藥歸尾紫草紅花血竭理其血凝氣者血之帥氣行血亦行氣不滯而血自不凝所以只曰活血散

歸尾

赤芍

紫草

川芎

紅花

各五錢

血竭

一錢

木香

二錢

共為細末五歲以上者服一錢十歲以上服二錢好酒

調下

平和湯 二十二

參芪歸芍甘草補氣血壯盛足以逐邪紫蘇防風解表  
足以散邪肉桂白芷檀乳沉藿等香足以透竅又足以  
解穢邪退而氣血不損症自得其平和故曰平和湯

人參

當歸

桔梗

白芍

紫蘇

黃芪 各六分

白芷

防風 各三分

肉桂

檀香

乳香

沉香

藿香

各二分

甘草 三分

薑三片水鍾半煎至半鍾溫服

薑附湯 二十三

此開痰發散之劑也

白附子 製過 老生薑 二錢

二味濃煎湯灌下三酒盃微汗即愈

調元化毒湯 二十四

此方用歸芍生地紅花以理其血參芪甘草以升補其氣荆防前胡發表以散其邪連翹蟬退山查紫草以解其毒桔梗開上竅木通開下竅又所以導其邪也若元氣與邪俱盛者去參芪倍加木通生甘草

人參

蟬蛻

甘草

各四分

白芍

生用

紫草

當歸

俱酒洗各六分

連翹

七分

防風

荆芥

前胡

桔梗

木通

各五分

山查肉

綿黃芪

生用各八分

紅花

生地

酒洗各三分

生薑一片水一鍾煎至半鍾温服

保元湯 二十五

此華陀製也肺爲華蓋灌注臟腑故謂之元皮毛一虛肺氣先絕肺氣薄蝕氣癯而不能領血故救肺氣所以令其領血化毒成功也人參益內補肺而托裏黃芪實表補皮毛而托裏甘草和中痘本血病而理氣分者何蓋使氣勝足以平血也用此以升其氣使血自附

人參 二錢

黃芪 三錢

甘草 一錢

生薑一片水鍾半煎至半鍾溫服

當歸活血湯 二十六

此方活血涼血之劑生地是涼血之品也當歸赤芍川芎紅花紫草活血滑血之品涼者性寒滑者質潤方書云熱者涼之枯者潤之調血之道也

當歸

紫草

各一錢

川芎

赤芍

生地

各八分

紅花

五分

水一鍾煎五分溫服

九味順氣散 二十七

又名勻氣散

參苓朮甘四君子湯補氣藥也青皮陳皮白芷皆理氣之品木香烏藥其氣溫溫能行氣又且芳香香能開竅此九味皆氣藥全無血藥之佐純陽之劑也痘黑乾枯者不宜用

白朮

茯苓

青皮

白芷

陳皮

烏藥

人參 各五分

甘草 二分

木香 分半

水一鍾煎五分溫服

十全大補湯 二十八

此方氣血虛弱者用之以參芪苓朮甘草大補其氣川芎當歸地黃肉桂大補其血氣血平補故曰十全

人參

黃芪

當歸

白芍

白朮

生地

茯苓

川芎

甘草

各五分

肉桂

三分

生薑三片大棗二枚水鍾半煎五分溫服

人參白朮散 二十九

又名參苓白朮散

此養脾胃之方也脾胃者土也土爲萬物之母諸臟腑百骸受氣于脾胃而後能強况痘瘡始終以脾胃爲主然脾喜甘而惡苦喜香而惡穢喜燥而惡濕喜利而惡滯是方也人參甘草味之甘者也白朮茯苓甘而微燥者也藿香木香辛香而燥可以開胃醒脾乾葛味甘氣平性輕浮足陽明胃行經之藥用之升提胃氣除胃熱又能解諸毒發表與諸藥同用能開導活動而不滯也

人參

白朮

藿香

木香

白茯苓

甘草 各一錢  
乾葛 二錢

生薑三片水一大鍾煎至五分不拘時溫服

胭脂塗法 三十

先以升麻一味煎濃湯去渣用胭脂于湯內揉出紅汁  
就以本綿蘸湯于瘡上拭之胭脂紅花膏所成取其能  
活血散毒也加雄黃末更妙如瘡不起熱拭之亦可

桂枝葛根湯 三十一

此方用桂枝引諸藥達四肢透經絡能令氣調而血活  
氣血活動痘毒自無壅遏之患亦治痘之仙方也

桂枝

葛根

赤芍

升麻

防風

甘草

各一錢

生薑

三片

淡豆豉

一錢

水一鍾煎五分溫服不拘時

十宣散 三十二

此亦是調和血氣開放腠理令毒無留滯之方也

人參

黃芪

當歸

厚樸

桔梗 各一錢

桂心 三分

川芎

防風

甘草

白芷 各一錢

共為細末每服一錢或二錢木香湯調下

水楊湯 三十三

浴洗痘瘡最妙

水楊柳生于溪邊細小叢生者是也亦有用苑內栽培  
觀音柳者春冬用枝條秋夏連枝葉判斷用長流水一  
鍋入楊柳在內煎六七沸將三分中一分入浴盆內以  
手拭之不要太熱不要太寒先用過升表藥或內托  
藥然後將兒浴洗漸漸加湯浴畢抱置溫暖處勿令見  
風以紙撚照法一照看若隱隱有起發之意此佳兆也  
再洗以痘起發光壯爲度若不見起發不見紅綻則津  
液枯矣不必再洗如無水楊以忍冬藤代之亦可

快癩湯 三十四

此方用人參當歸理其氣血甘草蟬蛻紫草解其癩毒  
防風木通疏竅散邪木香味苦辛氣溫血得溫而能活  
氣得溫而能暢香又能開諸鬱痘之出不快起不透者  
所必需也故快癩湯中用之以領諸藥

人參 五分

當歸

防風

木通

各一錢

甘草 三分

木香

紫草

蟬蛻

各二分

水一大鍾煎至五分不拘時溫服

黃芪建中湯

三十五

此療中氣虛症之方也參芪甘草之溫補中氣也桂中有辛同用之足以益衛氣而實表芍藥之酸收陰氣也桂中有熱同用之足以利營血而補虛此方以建中名者建立中氣使其生育營衛而通行津液也

人參

黃芪

桂枝

白芍

甘草

各等分

薑

三片

棗

二枚

水一鍾煎五分溫服

羌活湯 三十六

此散邪清熱之方龍胆草引入肝經可清肝經之邪熱

羌活

川芎

防風

梔子

當歸

龍胆草

各等分

甘草

減半

薄荷葉

淡竹葉

各六片

水一大鍾煎至五分不拘時溫服

羌活防風湯 附方

羌活  
防風  
升麻  
柴胡

當歸  
川芎  
藁本  
細辛

黃芩 酒炒  
甘菊花  
蔓荊子

薑水煎服

人牙散 三十七

人牙不拘大小煨存性入韭汁製大牙三次小牙二次  
爲末麝香二分或紅麴亦可雞冠血調成膏好酒半盞  
乳半盞入葱白一撮煎調送下凡服人牙散量兒大小  
症之輕重酌量用或二三分或三四分不可多用恐洩  
真氣發癢 痘之爲物外感穢氣則陷入內食穢物則  
凸出牙灰麝香亦穢物也故用之以起陷下之痘况牙  
者骨之餘麝又香之極竄者透竅甚捷二味研用自筋  
骨直達于皮膚之外藥之托頂起陷者再無過于此

獨聖散 附方

此方與人牙散意同雞冠血用三五年以上大雄雞刺其冠取血或入藥汁或酒調服

穿山甲 炒珠  
一錢 麝香 一分

共爲末用

羌活救苦湯 三十八

此發散解毒之聖藥也內用人糞能解毒火之熾盛者  
桔梗升麻蔓荊子皆上部之藥引大力子連翹防風黃  
芪不惟能解毒火之在上部者亦能治時疫之大頭瘟  
也

羌活

白芷

川芎

防風

桔梗

黃芪

連翹

升麻

蔓荊子

大力子

人中黃

燒灰各等分

荷葉

七片

水一鍾煎五分食後溫服

瀉黃散 三十九

脾家伏火唇口乾燥者此方主之唇者脾之絡口者脾之竅唇口乾燥知脾火也苦能瀉火故用梔子寒能勝熱故用石膏香能醒脾故用藿香葉甘能緩脾故用甘草用防風者取其發越脾氣而升散其脾火也或問何以不用黃連予曰黃連苦而燥此唇口乾燥則非黃連所宜故惟梔子之苦而潤者爲當耳又曰旣惡燥何以不去防風予曰東垣已言之矣防風乃風藥中之潤劑也故昔人審擇而用之

藿香葉 七錢

梔子仁 一兩

石膏 五錢

防風 二兩

甘草 七錢五分

俱剉細用蜜酒拌微炒為末每服二錢或三錢水一鍾

煎七分溫服

四聖散 四十

菜豆 四十粒

豌豆 四十粒 各燒存性

珍珠 煨一分

頭髮 燒灰一分

俱為細末以綿胭脂水調先以簪子撥開瘡頭以此塗

之油胭脂調加冰片少許又名四聖膏

加味保元湯 四十一

此方補氣活血解毒散火參芪甘草補元氣又能瀉火  
歸芍紅花能活血又能涼血芩連牛蒡連翹升麻以解  
毒防風荆芥以疏表人糞清熱解毒

人參

黃芪

甘草

歸尾

赤芍

酒炒

紅花

黃芩

黃連

連翹

升麻

防風

荆芥

牛蒡子

水煎入燒人糞一錢調服

涼血解毒湯 四十二

此純血分之藥也能破血活血解毒若血不行而結滯有鬱熱者宜用兼氣滯者當加陳皮青皮梔子之類

當歸 一錢

白芷 五分

升麻 四分

紫草 一錢半

紅花 八分

赤芍 一錢

桔梗

連翹 各八分

燈心 一團

以上分兩小兒減半水二鍾煎至八分溫服

葫荑酒 四十三

葫荑銅錢大一束切碎以好酒一二盞煎一兩沸入葫  
荑用物蓋定再熬勿令洩氣放溫或喫或噴床褥

飲者以甘藥為大補劑即風濕及婦時楚

葫荑藥酒法其法者將葫荑研末竹葉煎成酒飲之

其酒味甘性平能治血虛氣弱及婦人經水不調等症

由六味地黃丸煎成酒飲之能補腎壯陽及治虛損等症

此酒味甘性平能治血虛氣弱及婦人經水不調等症

取酒法

通幽散 四十四

此潤燥下利之方胃之下口曰幽門服此通滯故曰通幽大腸得血則潤潤則下行亡血則燥燥則秘結故用熟地當歸以養血初燥動血久燥血瘀故用桃仁紅花麻仁與歸尾并用又能潤燥而下行血熱涼以生地氣熱涼以甘草微入升麻消風熱又散抑鬱

當歸

紅花

生地

熟地

桃仁

升麻

甘草

生

麻仁

水煎服

胆導法 四十五

此通大便秘結之良方也不損中氣強如用藥下用大猪胆一枚以鵝筩兩頭截齊一頭入胆中線牢扎定吹令氣滿納入穀道中直待氣通取出

猪胞導法 附方

用猪尿胞一個以竹管插入胞中口中吹氣又取猪胆汁生蜜清油各半盞溫水少許攪勻灌入胞中又吹氣以線扎縛定如上胆導法胞導較胆導尤捷

連翹湯 四十六

解同大連翹飲

此解裏熱利小便之藥也前人云小熱則清解大熱則利小便此方是也

連翹

防風

瞿麥

木通

當歸

柴胡

蟬蛻

赤芍

甘草

滑石

梔子

紫草

荊芥穗

車前子

各五分

水鍾半煎八分食前溫服

牛李膏 四十七

一名必勝膏

牛李不拘多少取汁石器中熬成膏牛李子野生道傍  
至秋結實黑丸成穗每服皂子大煎杏膠湯化下

通關散 四十八

此方梔子大黃以開大便車前木通瞿麥赤茯苓扁蓄以利小便滑石性沉滑潤又所以下降而無留滯也二便俱開恐洩元氣故用人參預補甘草緩中

山梔

大黃 各炒一分

木通

甘草 炙

車前子 炒

赤茯苓

瞿麥 各三分

滑石

扁蓄 各五分  
人參 三分

水一鍾燈心十根煎至五分溫服

陳氏木香散 四十九

此治純陰無陽之劑或泄瀉而渴者蓋胃虛而寒則生  
泄瀉失津液則令人渴是方也人參甘草所以補胃木  
香丁香肉桂所以溫胃腹皮青皮半夏前胡赤苓所以  
調胃訶子肉又所以止瀉而生津也蓋胃不虛寒則瀉  
自止津液自生而渴自除矣陳文中云腹脹渴者瀉渴  
者足指冷渴者驚悸渴者身熱面晄白色渴者寒戰渴  
不止者氣急咬牙渴者飲水轉水瀉不已者以上各症  
皆非熱也乃津液少脾胃肌肉虛故耳宜木香散治之

如不愈倍加木香肉桂若痘色晄白手足冷大便澹小  
便清利如是渴者虛也卽用此方若痘色紅赤大便秘  
小便赤如是渴者熱也非此方所宜

木香

大腹皮

人參

肉桂

半夏

青皮

前胡

赤茯苓

甘草

訶子肉

煨去核

丁香

各等分

薑二片

如虛加黃芪

等分糯米

一撮

水煎溫服

異功散 五十

此治純陰無陽之劑痘出不光澤不起脹根窠不紅虛而癢塌者蓋中氣足則氣血充滿痘自光澤起發根窠紅活而無癢塌之患若中氣不足則表亦虛而諸症作矣是方也參朮歸苓所以補胃附桂丁香所以溫胃半木樸陳所以調胃胃陽明也陳氏云陽明主肌肉胃氣充足則肌肉溫暖自然光澤起脹而無癢塌之患亦見道之言也非虛寒者不可輕用

木香

當歸

茯苓

各三錢半

肉桂

二錢

人參

肉豆蔻

陳皮

丁香

半夏

各二錢半

白朮

厚樸

附子

各一錢半

俱剉細每服三錢生薑三片棗二枚水一鍾煎五分温

服去附子亦可若裏虛瀉甚不可無附子量兒歲數加

減服之

理中湯 五十一

此理胃中虛寒或誤服涼藥瀉而手足厥冷之方也參  
朮甘草甘溫所以補虛乾薑辛熱所以扶陽加附子名  
附子理中湯附子同人參又能回元氣于無何有之鄉  
人參  
白朮  
甘草  
乾薑 等分  
水鍾半煎半鍾溫服若欲爲丸研末蜜丸如彈子大白  
湯化下

紫草飲子 五十二

此方以紫草為君蓋其味苦氣寒能利九竅若心經有熱閉塞不通血氣凝滯痘瘡色紫或陷者必用之藥佐以蟬查枳通更能利竅逐毒加以甲片有開徑辟路之捷治痘陷血氣凝滯之峻藥也虛者慎用所以有參以防氣脫也

紫草茸

人參

查肉

蟬蛻

枳殼

穿山甲

土拌炒  
各等分

木通

減半

水煎服

茵陳薰法 五十三

用乾者爲末搗棗肉爲丸如雞子大晒乾烈火燒烟薰之

無價散 五十四

用人猫猪犬糞臘月內燒爲灰沙糖水調服

內托散 五十五

此治表虛裏實氣血皆弱之方也在表者痘頂灰陷爲氣虛痘根色淡爲血虛若息重氣粗則爲裏實氣虛故用參芪甘草血虛故用歸芍川芎而防風白芷肉桂又引諸藥自內而托之于外木香桔梗厚朴能調壅實以歸于和蓋以此論解此方氣血各補壅實另治頗似時醫之用藥有一病加藥一味全不論君臣佐使對搭相宜之義而此方卻不然痘瘡始終以氣血爲主氣血盛則能送毒外出氣血虛則不能送毒外出毒伏于內令

人息重氣粗而爲裏實之症此時若單用防風木香等  
開竅疏通之藥氣血虛弱不能以送毒毒未必出卽出  
氣血虛弱不能負載亦必復入此時若單用參芪歸芍  
等補益氣血之藥方書有云虛中有有餘之邪者補藥  
乍投能助邪熱元氣不受而邪先受之此方用補氣血  
之藥令其不虛以治其本又用疏通之藥開壅去實以  
治其標標本齊治自能令痘毒外出亦不復入自內托  
外而成功也故曰內托散此立方對搭相宜之妙若痘  
瘡紅紫黑陷而屬熱者則去肉桂木香加紫草紅花黃

芩若痘瘡淡白灰陷而虛寒者有肉桂以溫其表再加  
丁香以溫其裏若痘瘡當灌膿而不灌膿則倍加參芪  
當歸糯米煎熟入人乳好酒

黃芪

人參

當歸

各二錢

木香

肉桂

各三分

防風

一錢

川芎

桔梗

厚樸

白芷

甘草

生用各一錢

薑

一片

棗

一枚

水鍾半煎至半鍾溫服

參歸鹿茸湯 五十六

此益氣補血之方也參芪甘草當歸補氣補血之要藥  
但芳草之力奏效不捷加之以鹿茸乃血肉之屬異類  
而相親况鹿陽物也純陽之氣盡聚頭角而茸又其氣  
之最盛全者其氣温温能補氣血肉之屬又能補血氣  
温又能活血與芳草之藥并用奏效之捷莫有過于此

黃芪

蜜炙一錢五分

當歸

酒洗一錢五分

炙甘

六分

人參

一錢二分

鹿茸

酒塗炙去毛勿用酥炙恐其羶也三錢

生薑一片龍眼肉三個水鍾半煎半鍾温服

千金內托散 五十七

此亦補氣血之方也內有防芷芎樸大能疏氣開竅令氣血活動官桂木香其氣溫煖溫能補氣亦能活血芳香之氣透竅甚捷領諸藥直達于四肢之絡但不若前方之善也

人參 一錢

當歸

黃芪

審炙各一錢五分

白芍

酒炒

大川芎

各六分

官桂

炙甘草

查肉

各五分

木香

防風

白芷

厚樸

各三分

生薑一片龍眼肉三個水煎入好酒少許服

清毒活血湯 五十八

此攻補兼施之劑也

紫草茸

當歸

俱酒洗

前胡

牛蒡子

木通

各六分

甘草

四分

山查肉

八分

人參

三分

生黃芪

八分

生地

白芍

俱酒洗

連翹

桔梗

各五分

黃芩

黃連

俱酒炒  
各七分

生薑

一片

水鍾半煎半鍾溫服若煩渴去參芪加麥冬花粉各六

分

鹿茸酒 五十九

選二三寸真茄茸一兩以酒入瓦瓶內煮令皮脫取出  
將酒濾過其茸之真膏俱在酒內再將瓦瓶注酒煮皮  
令爛陸續添酒必以煮爛爲度以布濾過其皮揉爛化  
在酒內其毛去之又皮內骨用酥塗火上炙焦爲末真  
膏酒與皮膏酒骨末總和一處聽用此是製鹿角妙訣  
人多不知而概炙之其真膏悉去無效矣

龍腦安神丸 六十  
卽龍腦膏

此清熱涼血鎮心之方

大辰砂 一錢  
龍腦 五厘  
牛黃 五厘

爲細末取獾猪心中血小猪尾尖血和丸如菜豆大每  
用一丸新汲水化下燈心煎湯亦可

白龍散 六十一

乾牛糞在雨露中多日色畧白者火煨成灰取中間白  
者以絹袋裏之在瘡上徧撲席褥篩上些亦好

生肌散 附方

地骨皮

黃連

黃蘗

五倍子

生甘草

俱炒等分爲細末摻患處

快癩越婢湯 六十二

黃芪補氣固表藥也防風解表發散藥也二味并用似乎不宜方書云黃芪惡防風黃芪得防風其力愈大言防風發散之性能使黃芪直達于經之絡耳甘草甘溫溫能同黃芪補氣甘能入脾芍藥能陡健脾土得甘草而愈良桂枝辛熱能同諸藥而達四肢氣血流暢癩毒自不得內留所以謂之快癩越者發越之義婢者卑也言此方開墜道活氣血雖至于足下之至卑處亦能發越也

黃芪

甘草

俱灸

桂枝

防風

白芍

生薑

一片

棗

一枚

水煎服

甘桔湯

六十三

此方清肺熱利胸膈療咽喉腫痛甘草甘溫氣平溫能  
 除大熱甘則不峻下同桔梗清上焦之邪熱桔梗味辛  
 苦氣微溫辛則能散苦則能清為舟楫之劑載諸藥不  
 下沉與甘草同用戀胸膈消膈上之痰涎清肺中之鬱  
 熱肺熱除而咽喉自利矣

甘草 二錢

桔梗 一錢

水煎食後服

敗草散 六十四

多年屋上爛茅草擇淨者爲末摻之牆上爛草亦佳以  
多受風露之氣故能解痘瘡毒

綿繭散 附方

出蛾繭不拘多少以白礬入內填滿燒令汁出成灰爲

末摻

天水散 六十五

裏熱小便黃赤神氣不清方用此方滑石味甘氣寒沉  
重入足陽明主燥濕行積滯清利六腑甘草甘溫能解  
熱調中所謂溫能除大熱者是也

白滑石 四兩  
甘草 一兩

共為末白湯調服以蜜水塗痘子亦妙

百花膏 六十六

白蜜畧用湯和時時以鴉翎刷之瘡痂亦易落無痕

溫表調中湯 六十七

此溫補元氣虛寒之熱藥也參苓朮草四君子湯也加  
之以黃芪大補其氣歸芎活血藥也經云血猶水也流  
動則生凝滯則腐活正所以補之也桂附薑芷丁香大  
熱之藥也補氣之藥并用借其熱足以疏氣補血之藥  
并用借其熱可以活血此治虛寒之妙劑也有熱者不  
可輕用

黃芪 蜜炙  
二錢

人參

白朮

茯苓 白

官桂

川芎 大

歸身

甘草 炙

乾薑 各一錢

白芷

丁香

附子 各五分

生薑 一片

水一大鍾煎至五分溫服

甘露回天飲 六十八

好沙糖半鍾用白滾湯一大碗調溫服

四苓散 六十九

此利小便之方也藥之淡者皆足以治水茯苓猪苓澤瀉白朮雖有或潤或燥之殊然其為淡則一也所以四苓散合用以利小便方書有云小熱清解大熱則利小便此方主之

白朮

赤茯苓

猪苓

各一錢  
澤瀉一分  
錢五分

水一鍾煎至五分溫服

當歸解毒湯 七十

此清潤疏利之方也氣血虛者不可輕用

當歸

生地

大黃

麻仁

枳殼

紫草

連翹 各等分

白水煎服

清表解毒湯 七十一

骨皮門冬能治有汗之骨蒸此清表藥也花粉牛蒡連翹黃芩大能解毒當歸血藥也其質濡潤能治亢陽猪苓澤瀉生甘草木通皆利小便藥也方書云小熱則清解大熱則利小便此解利兼用實熱者宜虛寒者忌之

地骨皮

麥冬

花粉

各八分

牛蒡子

四分

連翹

當歸

各五分

猪苓

澤瀉

生甘草

木通

黃芩

酒炒各四分

水一大鍾煎五分溫服

回漿散 七十二

此大補收斂之方也

何首烏

白芍

黃芪

人參

甘草

白朮

茯苓

薑水煎服

除濕湯 七十三

治濕有三法散燥滲也散者發其表也燥者藥性燥以耗之也滲者利小便也此方用羌活防風薄桂正所以散之也蒼朮白朮正所以燥之也猪苓澤瀉木通赤茯苓正所以利之也三法并用有何濕之不除故曰除濕湯

羌活

蒼朮

防風

猪苓

澤瀉

木通 去皮節

白朮

赤茯苓

薄桂 各等分

白水煎服

桂枝解毒湯 七十四

此與清表散毒之藥味同但加桂枝桂枝大熱同諸藥  
共之則成溫劑兼能發散與清表散毒湯之純寒不同

猪苓

澤瀉

木通

麥冬

黃芩

甘草

連翹

桂枝

骨皮

各等分

白水煎服

五苓散 七十五

濕生於內小便不利或水瀉而渴者此方主之經曰濕勝則濡瀉故濕生于內者令人水瀉濕并于大腸故小便不利白朮燥而淡燥則能健脾淡則能利濕茯苓甘而淡甘則能補中而淡亦滲濕矣猪苓苦而淡苦者有滲利而無補澤瀉味鹹而淡鹹者直能潤下而兼滲利桂性辛熱則能化氣經曰膀胱者州都之官津液藏焉氣化則能出矣此用桂之意也桂有化氣之功故併稱之曰五苓散若小便不利因汗下之後內亡津液而致

者又不可輕用五苓散恐重亡津液益虧其陰也

澤瀉 一錢五分

白朮

赤茯苓

猪苓 各一錢

肉桂 五分

薑 一片

棗 一枚

水一鍾煎七分溫服

人參白虎湯 七十六

此解裏熱發渴之方也石膏清胃熱胃清則不渴人參知母甘草化氣而生津液津液生則渴自除大熱而渴甚者用之若大熱而不渴者亦用之渴而不大熱者不用又不宜多用所謂大熱而不渴者非表甚熱而無裏症之謂也是內熱煩躁不寧或息重氣粗特不發渴耳方中對搭之義人參甘溫質潤能補元氣而和中生津液而止渴石膏性寒味甘辛寒則能除熱甘則能調中辛則能解肌而有發散之義以其行清肅之令而除煩

熱得西方金神之象故以白虎名之以此爲主藥以他藥佐之則名白虎湯加人參則謂之人參白虎湯甘草甘溫氣平生用寒熱用溫調五臟愆和之氣能解毒溫中止渴佐人參補中有瀉之義知母味甘辛氣味俱厚沉而降陰也治陰火上潮諸熱不退而口渴又能益腎滋化源佐石膏瀉中有補之義用方者不可不知

人參 一錢

知母 三錢

甘草 一錢

石膏 五錢

糯米 一合

水二鍾煎至米熟溫服不拘時

宣風散 七十七

此降氣下利之方也虛者慎用

檳榔 二個

陳皮

甘草 各五分

牽牛

四兩半生半炒  
取頭一二兩

共為細末二三歲者用五分蜜湯調下三四歲以上者  
用一錢食前服

小柴胡湯 七十八

此療症在半表半裏之方也柴胡性辛溫辛者金之味  
故用之以平肝溫者春之氣故用之以入少陽黃芩質  
枯而味苦枯則能浮苦則能降君以柴胡則入少陽矣  
邪之所入必乘其虛用人參甘草者欲中氣不虛邪不  
得傳入于裏邪在裏則氣逆而煩嘔故用半夏之辛以  
除嘔逆邪在表則榮衛爭故用薑棗之辛甘以和榮衛

柴胡

人參

黃芩

半夏

甘草

薑棗水煎服

蕎麥粉 七十九

蕎麥一味磨取細麩痘瘡破者以此敷之潰爛者以此  
遍身撲之絹袋盛撲以此襯臥尤佳

清金導赤飲 八十

此利小便清肺金之方也攻補兼施之劑

當歸

白芍

陳皮

貝母

甘草

黃芩

杏仁

黃連

枳殼

木通

滑石

人參

麥冬

元參

軟石膏

白茯苓

桑白皮

車前子

各等分

白水煎服

四君子湯 八十一

此補氣之方也人參甘溫質潤能補五臟之元氣白朮  
甘溫健脾能補五臟之母氣茯苓甘溫而潔能致五臟  
之清氣甘草甘溫而平能調五臟愆和之氣四藥皆甘  
溫甘溫得中之氣味猶之不偏不倚之君子也故曰四  
君子又有云君子陽明之象得天地之正氣四味皆補  
氣之藥所以謂之四君子湯此立方之旨而用方者又  
當有活動之意痘瘡氣虛固宜用之如瘡帶濕或自利  
尤不可緩投也若痘枯乾大便秘者是津液少也白朮

燥津液茯苓滲津液又不可輕用也有云七日以前可用以後不宜用白朮能耗膿茯苓能滲濕皆有妨于灌漿不知灌漿時無相宜之症則不用如大便瀉泄痘瘡浸淫脾氣下脫者尤宜急用豈可執一也此皆補氣之藥用之以理氣分若善用方者用之以理血分之症亦可也古人有治下血過多而虛脫者亦用之意以爲血有形之物必賴無形之氣以固之下血日久血脫而氣亦下陷有形之物非日積月累不能生無形之氣一補而易足氣血兩虛者只補其氣陽生則陰長參苓甘朮

皆甘溫益氣之品也夫氣充盈自足以固有形之血譬  
之乾元充溢于兩間自能舉乎大地而無傾陷之危者  
也用方者當知之

人參

白朮

茯苓

甘草

薑 一片

棗 一枚

白水煎服

象牙散 八十二

參苓甘朮四君子湯也加黃芪則大補其氣而內斂也  
兼之何首烏能滋血清熱其味甘溫又能收斂象牙一  
味極利小便痘不收靨用之者以其有利水之功也群  
藥得之奏效甚捷故名之

人參

白朮

黃芪

各一錢

甘艸

七分

茯苓

一錢五分

何首烏

一錢

象牙

火煨為末

糯米

炒撮

黑棗

二枚

水鍾半煎至半鍾送下象牙末一錢

大連翹飲 八十三

此治濕熱之方柴防蟬蛻解熱于表表有熱者自皮毛汗孔而出荆芥牛蒡解熱于上頭目咽喉有熱者從口鼻而泄滑石梔子車前解熱于裏裏有熱者導之從小便而泄連翹去諸經之客熱黃芩去諸經之遊火甘草能解熱于氣分而歸芍又所以調熱于血分也

連翹

防風

荆芥

當歸

柴胡

黃芩

梔子

蟬蛻

赤芍

木通

滑石

甘草

牛蒡子

車前子

各等分

薑水煎服

人參清神湯

八十四

此純補而不攻之方也

人參

黃芪

甘草

當歸

白朮

麥冬

陳皮

棗仁

黃連

白茯苓

棗一枚去核糯米一撮水煎服

荆防敗毒散 八十五

此純清解而不補之方也

荆芥

防風

柴胡

甘草

人參

桔梗

川芎

茯苓

枳殼

前胡

羌活

獨活

薄荷葉五片水煎服

人參固肌散 八十六

此大補而稍解之方也

人參

黃芪

甘草 炙

當歸

蟬蛻

各一錢

糯米

一撮

水一鍾煎半鍾溫服

竹葉石膏湯

八十七

此降火清熱之方石膏知母麥冬竹葉之寒所以清熱

甘草之甘所以補不足以溫胃恐石膏過寒損胃氣也

石膏

知母

甘草

麥冬

竹葉

水煎服

解毒內托散 八十八

黃芪蜜炙乃補氣之藥也與當歸并用古人謂之補血  
湯陽生陰長之義也血旺則自不留邪荆防木通又開  
導疏利之品邪自不能留銀花連翹赤芍甘草節清熱  
解毒之聖藥毒自不得焜熾而內消故曰解毒內托散

黃芪

當歸

防風

荆芥

連翹

木通

銀花

赤芍

甘草節

水煎入酒少許溫服

拔毒膏 八十九

馬齒莧

搗取汁

石蜜

豬膏脂

生菜豆末

赤小豆末

熬成膏塗腫處如乾以水潤之

小柴胡加生地黃湯

九十

小柴胡湯氣分中藥也生地血分中藥也加之則氣血

雙入之方也故氣血中之邪症皆能除之

柴胡

人參

黃芩

各三錢

甘草

炙

生地

半夏

各二兩

為粗末每服三錢水一鍾薑三片棗一枚煎五分溫服

防風解毒湯 九十一

此汗散清解之方也

防風 一錢

地骨皮

生黃芪

白芍

荆芥穗

大力子

各五分

或加升麻五分水一大鍾煎至五分溫服

蟬蛻散 九十二

蟬蛻菜豆黑豆皆退熱解毒之聖藥也夜明砂密蒙花  
又眼睛復明之聖藥也用羊肝者眼乃肝之竅也用之  
以引經

蟬蛻

密蒙花

黑豆殼

菜豆殼

夜明砂 各等分

為末每用一錢以羯羊肝一片批開入藥末在內麻紫  
定米泔煮熟食其肝飲其湯

蒼朮黃連湯 附方

連朮燥藥也升防發汗藥也濕從汗散燥能勝濕甘草甘溫溫能除大熱甘草與燥濕散濕之藥并用則能除濕中之熱矣

蒼朮 童便炒 黃連 酒炒 防風 升麻 各等分

甘草 生減半

爲細末每用一錢蜜水調服

四物湯 九十三

此補血之方也天地間惟有形質者謂之物血有形質者也四味皆益血之藥故曰四物是方也歸芍地黄皆味厚之品味厚爲陰中之陰故能益血拆而論之歸辛溫能活血芍酸寒能斂血熟地甘濡能補血又曰歸入心脾芍入肝熟地入腎芍味薄而氣清爲陰中之陽血中之氣藥也乃能徹上徹下而行血中之氣也是四物之所以能補血生血者非專在草木之氣味也立方者對搭之妙用耳歸芍地黄并用能養五臟之陰加以

川芎調血中之氣五臟和而血自生若分兩輕重則又有分別矣如以當歸一味爲主藥而分兩重三味爲佐藥而分兩輕則芎藥引之以養脾經之血川芎引之以養肝經之血地黃引之以養腎經之血惟心經之血不能養者何也心者血之道路血足而道路中之血自足血濡潤之物津液之根源也血足而津液自生上潮于肺并肺亦不燥矣立方之藥味輕重對搭之妙如此然又有分合對搭之妙也如當歸與川芎并用則謂之活血湯爲散用則謂之佛手散歸芎并用則謂之歸芎湯

藥有定味方無定方惟在用方者或全用或加減因病酌量而善用之耳如治痘症瘡乾色太嬌而灰白脾胃無病者宜用之若不能食者地黃膩膈芍藥酸寒又不宜用也用之于灌漿之時能養血助漿用之于灌滿之後能令痘瘡浸滂而不乾收又不可不知

當歸

熟地

白芍

川芎

水煎服

洗肝明目散 九十四

此方用歸芎以補血目得血而能視用羌防以散其熱  
熱退則目明用龍胆草柴胡同梔子入肝經以清肝火  
目者肝之竅肝清則目亦清蒙花木賊又拳毛倒刺眼  
中流淚所不可缺之藥

當歸

川芎

羌活

防風

山梔仁

龍胆草

密蒙花

柴胡

木賊草

各等分

共爲細末每服一錢沙糖水調服

參歸大補湯 九十五

此大補氣血稍解其毒之方痘因虛而生症者宜之若邪熱太盛者內有木香與參芪并用恐不宜也

人參

黃芪

蜜灸

當歸

各一錢二分

川芎

桔梗

甘草

灸

山查

各八分

防風

白芷

厚朴

紫草茸

各六分

南木香

三分

薑

三片

水鍾半煎至半鍾溫服

十三味敗毒散 九十六

此解腫毒之方實症補之則生癰毒是方也防風白芷  
解表而泄其熱乳香沒藥散血而消其毒穿甲角刺能  
引諸藥至有毒之所銀花赤芍解熱於瘀壅之中痰中  
諸熱貝母花粉可除氣血不調甘草陳皮當歸能療

當歸

白芷

穿甲

土炒

銀花

防風

乳香

製

花粉

甘草

陳皮

赤芍

貝母

角刺

沒藥

各等分

水酒各半煎服

升天散 九十七  
一名起頂散

人參 六分  
白朮 土炒  
當歸  
陳皮 去白

川芎 各五分  
山查 去核  
黃芪 各八分  
淫羊藿 去刺蒸炒

木香  
川甲 土炒黃爲末各二分  
甘草  
肉桂 各三分

薑棗水煎服

消毒飲 九十八

此全用清解毒未發越而熱盛者用之

牛蒡子  
連翹  
甘草  
升麻

山豆根  
紫草 各等分  
水煎溫服

八正散 九十九

此利小便之方也濕熱下注令人小腹急滿小便有可  
行之勢而卒不通者熱秘之也陶隱君曰通可以去滯  
瀉可以去秘滑可以去着故用木通瞿麥扁蓄通其滯  
用大黄山梔瀉其秘用車前滑石去其着用甘草稍者  
取其堅而瀉火也

滑石 瞿麥 扁蓄 大黃

木通 車前子 梔子仁 燈心

各一錢

四分

甘草稍 五分 水一鍾煎五分食前服

導赤散 一百

此利小便清熱之方也心與小腸爲表裏故心熱則小腸亦熱而令便赤是方也生地黃可以涼心甘草稍可以瀉熱佐以木通則直走小腸膀胱名曰導赤者導其丙丁之赤由溺而洩也

生地

甘草 炙

木通 等分

淡竹葉 七片

水煎服 一方有人參麥冬

大柴胡湯 百一

柴胡黃芩以解表枳殼大黃以攻裏芍藥酸能收斂令表裏不至于峻也元氣壯大便堅者用之虛者慎用

柴胡

芍藥

枳殼

黃芩

大黃 各一錢

水煎溫服

承氣湯 百二

此開滯下利之方也厚樸苦温以去痞枳實苦寒以瀉  
滿芒硝鹹寒以潤燥軟堅大黃苦寒以瀉實去熱甘草  
甘平調諸藥稍緩其峻急之性此方亦要斟酌隨症用  
之如少陰屬腎水病則口燥舌乾而渴乃熱邪內炎腎  
水將絕宜急下之如腹脹不大便土勝水也宜急下之  
腹滿痛者為土實宜急下之熱病目不明宜急下之此  
正救急之方也但應病則止不可多用不可輕用

大黃

厚樸

枳實

各一錢

甘草

五分

芒硝 一錢

薑三片水煎食前服

棗變百祥丸 百三

此藥最峻大戟氣大寒而味苦甘有小毒能下十二經之水開竅瀉利之藥大棗味甘取其大補脾胃而不為攻下所傷症之危者非此不能救症之不至危者不可輕用用之當忌甘草

青州棗 三十個 去皮核

紅牙大戟 去骨 一兩

同水一盞煎乾為度大戟不用將棗搗爛為丸從少至多木香湯送以利為度

解毒散 百四

此攻劑之最和平者虛實皆可用

銀花 五錢

甘草

木通

防風

荆芥

連翹 各一錢

牛蒡 二錢

水酒各半溫服

加味清肺飲 百五

此半攻半補之方也

人參

柴胡

杏仁 去皮

桔梗 去頭

芍藥

麻黃

半夏

栗殼 鹽水泡去筋膜蜜炙

甘草

五味子

旋覆花

阿膠 麩炒成珠

桑白皮

知母

烏梅 水泡去黑衣去核

薑三片 葱一根 水鍾半 煎至八分 溫服

人參黃芪湯 百六

參芪甘朮補氣也歸芎補血也又謂之活血湯況加以紅花尤能令血流動而不壅滯官桂辛熱領諸藥達經絡無處不到此方補氣血又開竅活動逐毒釀漿成就痘瘡之聖藥也又性味和平凡痘或漿清或不滿或倒靨或身涼而痘不起者皆可用

黃芪 一錢五分

人參

川芎

當歸 各一錢

甘草

白朮

山查 各八分

紅花 五分

官桂 二分

薑 一匕

水鍾半煎至半鍾溫服

加味四聖散 百七

參芪甘草大補其氣川芎血分中之氣藥與蟬蛻木香  
并用解毒活血之妙劑也况木香味辛有發散之義芳  
香有透竅之能領諸藥和氣血能令邪無容地此治陷  
伏倒靨之平和劑也

紫草茸

黃芪

甘草

木通

人參

川芎

蟬蛻

木香

糯米 百粒

水煎服

大便秘加枳殼

排毒散 百八

大黃下降之峻藥加之歸尾沉香下降更捷白芷木香  
佐穿山甲透肌開竅更速此攻表裏之峻劑氣血虛症  
不急者勿輕用

大黃 五錢

白芷

沉香

木香 各二錢半

穿山甲 打片土炒焦 當歸尾 五錢

共為末看人之虛實大小分數為之多寡長流水煎沸

調服

二陳湯 百九

此治脾胃濕痰之方也濕痰者痰之原生于濕也水穀入胃無非濕也脾土旺則能運化水穀以成津液上歸于肺下達膀胱無濕氣之可留也惟夫脾弱不能剋制運化停於膈間中下二焦之氣薰蒸稠黏以成其痰是方也半夏辛熱能燥濕茯苓甘淡能滲濕濕去則痰無由以生所謂治病必求其本也陳皮辛溫能利氣甘草甘平能益脾益脾則土足以制濕利氣則痰無由留滯此二陳之旨也名曰二陳以橘半二物貴陳久耳以之

為君而茯苓甘草佐之也

陳皮

半夏

茯苓

甘草

水煎服

羌活當歸湯 百十

此活血清熱發散之方也邪在肌肉間者宜用之

羌活

獨活

當歸

各一錢

柴胡

一錢五分

防風

川芎

黃柏

各一錢

桂皮

七分

桃仁

五個

紅花

三分

好酒煎服

人參敗毒散 百十一

此解散疏通之劑痘毒壅遏出不快發不透者宜用

羌活

獨活

柴胡

前胡

川芎

枳殼

桔梗

人參

茯苓

各等分

甘草

減半

薄荷

四分

生薑水煎服

桂枝大黃湯

百十二

此治寒熱不調腹中作痛之方也寒熱不調者先食熱物後食寒物二者不調以致腹痛也是方也桂枝能散真寒大黃能瀉實熱芍藥能健脾而和肝甘草能調中而益氣寒熱得調腹氣自舒痛自愈也

桂枝

白芍

各二錢半

大黃

一錢半

甘草

五分

薑一片水煎食前服

芍藥防風湯 百十三

此升發開導之方也痘毒窩伏于內而不外暢者宜用

白芍 陳皮 升麻 防風

桔梗 川芎 枳實 厚樸

甘草 各等分

薑棗水煎服

平胃散 百十四

此治脾經濕熱之方也蒼朮味甘而燥甘則入脾燥則  
滲濕厚樸味苦而溫溫則益脾苦則燥濕陳皮能利氣  
甘草能健脾氣利則無濕鬱之患脾強則有制濕之能  
是惟脾實停濕者用之脾土不足者慎用

蒼朮

厚樸

陳皮

甘草

各等分

薑棗水煎服

枳殼散 百十五

枳殼 三錢

生地 七分

紫草

大黃 各一錢

水煎服

四聖湯 百十六

此補氣解毒活動之方也

紫草

黃芪

甘草

木通

熱甚色紫加芩連紅花倍加紫草大便秘加枳殼水煎服

小無比散 百十七

硃砂 一錢

片腦

麝香

牛黃 各五分

如無牛黃以胆星代之為細末小者一分大者五分猪尾血二三滴新汲水調和送下

人參清膈散 百十八

參芪甘草保元湯也參朮苓草四君子湯也皆屬補氣  
肺統一身之氣肺氣虛則虛熱易起外邪易入用此補  
氣以治其本外加當歸知母桑白皮紫苑潤燥以肺有  
邪則燥也黃芩滑石清熱以肺有邪則熱也桔梗為舟  
楫之劑載諸藥而入肺肺清則膈利

人參

柴胡

白芍

當歸

知母

白朮

茯苓

紫苑

甘草

黃芪 炙

桔梗

黃芩

滑石

桑白皮

地骨皮

薑水煎服

四順清涼飲

百十九

此治實熱內壅腹脹便秘之方也痘以熱而出故不能無熱若實熱內壅腹脹便秘則三焦之氣不化而痘不能出矣故用大黃通其滯當歸活其血芍藥養其陰甘草調其胃通利表裏氣血皆承順矣

當歸

白芍

大黃

甘草

水煎食煎服

安神丸 百二十

此清火養血之方心藏神又主血血虛則易于動思思過則神不守舍苦可以瀉火故用連重可以鎮心故用砂歸冬益血之藥甘草茯苓能益脾土脾是心之子脾土受補則不食氣于母龍腦鎮心解煩之藥用以發痘

歸身

黃連

麥冬

茯苓

甘草 各五錢

硃砂 一两

龍腦 一分半

共為細末湯浸蒸餅和獷猪心血搗勻丸如黍米大每服十九丸燈心湯下

柴苓湯 百二一

即小柴胡湯合四苓湯

寧神湯 百二二

此方血氣雙補清心火鎮心神又能解痘毒

人參

當歸

生地

麥冬 各一錢

山梔仁 炒

黃連 炒

甘草

炙各一錢五分

辰砂

末二分

燈心 五分

石菖蒲 三分

水一大鍾煎七分調辰砂末服

抱龍丸

百二三

此治痘中驚搐之方也琥珀珍珠光明明者可以安神  
辰砂金箔質重重者可以去怯雄黃沉檀木麝等香氣  
竄可以利竅人參甘溫可以固元氣天竺寒涼可使清  
熱故并用小兒體熱者用之其餘後備方查用

胆星 二兩

雄黃

琥珀

珍珠 各三錢

麝香 二錢五分

木香

沉香 各一錢

金箔 二十張

檀香

人參 各二錢

天竺黃 一兩

辰砂 水飛七次五錢

為末甘草膏丸皂角子大燈心薄荷湯下或研化湯服

補中益氣湯

百二四

此補氣之方也參芪甘草補氣白朮脾經藥也用之引參芪與白朮共補中焦之氣故曰補中益氣當歸血藥也與補氣之藥并用者何也蓋藥以氣味純陰則發瀉純陽則發熱用當歸活血配氣藥不至于純陽陳皮理氣藥也恐純補能令其氣滯用之以利其氣與補藥共成其功升柴氣藥中之輕浮升提者用柴胡提左脇之氣升麻提右脇之氣令左右旋轉而不滯也難經曰氣主响之故氣者噓長萬物者也痘之起脹全仗氣之噓

矣故用參芪甘草以補氣同升麻柴胡以升陽有當歸以活血陳皮以利氣氣血充和何難成功此用方之意後學不可不知

黃芪 灸

人參 各一錢

甘草 六分

柴胡

升麻 各四分

白朮

當歸

陳皮 各八分

薑 三片

棗 二枚

水鍾半煎至半鍾溫服

麥門冬湯 百二五

麥冬人參甘草乾葛生津潤煩升麻清外熱石膏清內熱赤芍赤茯苓又能利濕熱此清熱解煩之劑也

麥冬 人參 乾葛 赤芍

赤茯苓 升麻 各一錢 甘草 五分 石膏 二錢

水一大鍾煎至半鍾溫服

葛根解毒湯

百二十六

葛根麥冬花粉生地甘草皆清熱生津之藥加升麻以提其氣津液隨氣而上潮津液上潮火自下降口舌胸臆自無枯燥之患矣

葛根

花粉

麥冬

升麻

生地

各等分

甘草

減半

水煎入茅根自然汁同服

人參麥冬湯 百二十七

此補元氣生津液解熱之方也

麥冬

葛粉

各二錢

人參

甘草

升麻

白朮

各一錢

糯米

一合

竹葉

七片

水鍾半煎至半鍾溫服

髮灰散 百二十八

用少壯無病亂髮不拘男女將皂角煮水洗淨油垢氣  
又用溫水洗淨皂角氣焙乾用新瓦礮一個填入內令  
滿淨瓦片蓋口鹽泥封之將瓦礮晒乾用木炭火圍礮  
一半煨一炷香取出候冷其灰成塊研細每二分童便  
七分酒三分調服只用吹鼻亦能止血

清肺湯 百二九

此皆涼血清熱之品桔梗爲之舟楫載諸藥入肺故名  
清肺

天花粉

麥冬

天冬

甘草

桔梗

當歸 各一錢

生白芍

知母

丹皮

酒炒片苓 各五分

水一鍾煎至七分溫服

犀角地黄湯

百三十

此治血熱之方也心主血生地所以涼心血肝納血白芍所以和肝血火能載血丹皮所以去血中之火熱能行血犀角所以解諸經之熱又入心經此方大寒涼應病則止不可多用

犀角

白芍

生地

丹皮

等分

水煎犀角磨汁沖服

加味鼠黏子湯

百三一

此除風熱清肺金之方也

桔梗

射干

山豆根

防風

乾葛

鼠黏子

荆芥

連翹 各等分

水煎服

黃芩湯

百三二

黃芩

一錢五分

甘草

一錢炙

白芍

五分

棗

二枚

水一鍾煎七分食前服

益黃散 百三三

此治胃寒之方丁香辛熱可以溫中陳皮辛利可以快  
脾訶子固澁可以收攝青皮又快膈平肝抑其所不勝

陳皮 一兩

丁香 二錢

青皮

甘草 炙

訶子 各五錢

為末每服二錢水煎溫服

阿膠住車丸 百三四

當歸

黃連

各一兩

炮薑

七錢

為末阿膠一兩炒珠醋煮膏為丸如桐子大每服二十  
丸食前米飲送下小兒米湯研服亦可

薤白散 百三五

此清熱解瘡毒又治久痢赤白

薤白

生

三錢

梔子仁

炒

豆豉

各二錢

水一鍾煎五分溫服

柴葛桂枝湯

百三六

此暢達氣血豁竅開散之方也

柴胡

葛根

桂枝

甘草

防風

人參

白芍

各等分

生薑

一片

水煎

加味犀角湯

百三七

升麻荆芥散熱之藥甘草牛蒡桔梗麥冬解毒清熱之藥犀角解心熱其氣寒血月之屬能引諸草藥入心經而清心火

犀角 另磨

牛蒡子

荆芥

甘草

防風

升麻

桔梗

麥冬

水煎

五皮湯 百三八

此利水之劑也辛者輕者可使走表枯者淡者可使滲利苦者寒者可使去熱味厚質重可使走下是方五味或各一其性或兼而有之故可滲利皮膚中之水而調其氣血也

桑白皮

地骨皮

生薑皮

五加皮

大腹皮

燈心

五分

長流水煎

胃苓湯 百三九

此利濕方也蒼朮厚樸陳皮甘草平胃散也所以燥濕  
白朮茯苓豬苓澤瀉桂心五苓散也所以利濕脾胃強  
者可用

豬苓

澤瀉

白朮

茯苓

厚樸

陳皮

蒼朮

桂心

各等分

甘草

減半

水煎服

人參四苓五皮散

百四十

人參

白朮

茯苓

甘草

麥冬

猪苓

澤瀉

陳皮

黃芩

木通

滑石

大腹皮

桑白皮

茯苓皮

薑皮

等分

水煎皮

吹口丹

百四一

黃連

青黛

兒茶

片腦

各等分

爲細末吹之

搽牙散 百四二

銅綠 水飛

雄黃

五倍子 打碎炒 焦黑 白枯礬

白褐 燒灰

烏梅肉 炙乾

細辛 去葉蘆 炒焦 胡連 炒焦

爲末用茶葉葱根煎湯洗去腐肉見血搽末藥

甘露飲 百四三

此方生津解煩涼血清火

天冬

麥冬

生地

熟地

黃芩

石斛 去蘆

枇杷葉 去毛 刺 茵陳

甘草 各等分水煎服

洗肝散

百四四

川芎引當歸入肝經治肝經之血肝主風羌防薄荷皆  
風藥也肝者火之母一火動則五火俱煽而動梔子甘  
草以清其火藥皆滌蕩故曰洗肝散

川芎

歸尾

防風

羌活

薄荷

梔子

甘草

等分

水煎食後服睛痛昏暗加石膏穀精草菘豆有翳膜加  
蟬蛻白蒺藜實熱便秘加大黃

地黃散 百四五

此血分中之藥也邪熱蘊于血分中者用此清之

熟地

當歸

防風 去蘆

蟬蛻 去翅足

羌活

白蒺藜

炒去刺

木賊

沙苑蒺藜

穀精草

犀角末

各一錢

元參

五分

炙甘草

黃連

大黃

各一錢五分

為末小兒每服二分大人五分煎羊肝湯調食後服

龍胆草湯 百四六

此治邪熱之見于目者

龍胆草 五分  
菊花

蒺藜

白芷 各三分

防風 二分  
蟬蛻 一分

黃連 二分

木賊 去節 一分

水半茶鍾煎兩沸溫服

兔糞丸 一百四七

兔糞 四兩

石決明 七孔者

草決明 火炙

木賊 去節

白芍

防風 各一兩

當歸 五錢

穀精草 一錢

為末蜜丸菜豆大每服數十九荆芥湯下

又方兔糞炒乾為末蜜丸菜豆大每服二三十丸酒下

望月砂散 百四八

穀精草

蟬蛻 去翅足

密蒙花 各五錢

望月砂 炒一兩

為細末用獾猪肝一两以竹刀劈破用藥末一錢掠在

肝內水煮肝熟飲汁食肝

玉鎖匙 百四九

硼砂 一錢

樸硝 五分

疆歪 一條

片腦 五厘

為末以竹管吹之

定中湯 百五十

硃砂

雄黃 各一錢  
為末

真黃土無雜色者一大塊入磁器內以百沸湯泡上用  
物蓋嚴少頃取出調前藥末服

獨參湯

百五十一

諸虛氣弱危篤及上下失血過多脉微欲絕者俱急以  
此方主之氣者萬物之所資始也天非此氣不足以長  
養萬物人非此氣不足以有生故曰一息不運則機緘  
窮一毫不續則霄壤判是以病至危急良醫必以氣爲  
首務也人參味甘性溫得天地冲和之氣以成形故用  
以補冲和之氣使其一息尚存則可以次第而療諸疾  
矣煩躁加童便者虛而有火也身寒加附子者回其孤  
陽也至于血者氣之守氣者血之衛相偶而不相離者

也一或失血過多則氣爲孤陽亦幾于飛越矣故令脉  
微欲絕斯時也有形之氣不能驟生幾微之氣所當急  
固故用甘溫之參以固元氣所以權輕重于緩急之際  
也故血脫益氣古人之法或者不達陽生陰長之理見  
其失血便投四物殊不知川芎香竄能散將絕之氣而  
歸芍地黃皆滋陰降下之品不能生血于俄頃反失其  
救死之權而貽人天害矣醫云乎哉雖然虛實之辨不  
可不察若實症危急猶當攻之故越人有實實之戒神  
而明之存乎人耳

人參

水煎服煩躁者加童便身寒者加附子

備用方

抱龍丸 百五十二

古方初熱驚搐用

天竺黃 一两  
胆南星 二两  
辰砂

雄黃 各三錢

爲末甘草膏爲丸如芡實大每服一九燈心湯或白滾

湯化下

麝香抱龍丸 百五十三 出不透不起發驚搐者用

前方加麝香二錢蜜丸芡實大服法如前

琥珀抱龍丸 百五十四 自出長前後發驚搐小兒壯盛者用

琥珀 燈心 雄黃 各五錢 天竺黃 七錢 辰砂 三錢

茯苓 一兩 胆南星 一兩 山藥 七錢 麝香 五分

僵蚕 炒去絲 全蝎 去毒炙 薄荷 三錢

為末水丸如芡實大每服一丸用燈心湯或薄荷湯化

開不拘時服

上古今諸方俱應註解釋意以明其旨間有不曾註解者  
恐字句繁冗疊章太多不便揀閱特著其大旨若欲知其  
配合對搭之義查考藥性會合紬繹則得之矣然方有奇  
偶劑有大小奇偶之方有君一臣三君三臣五之奇有君  
二臣四君四臣六之偶亦有兩方併用之偶如扁鵲之四  
聖華陀之保元合併而用謂之神功散也通聖益元合併  
而用謂之雙解散也有不註分數之多寡而以等分註者  
亦偶之謂也有全不註分數之多寡者以其方內有兼治  
之藥而併用者分數之多寡又當隨症而爲之輕重如方

內補氣血解毒之藥兼有者如氣血太虛而痘毒淺則以補之藥爲君而分兩多以解之藥爲臣而分兩少如氣血不甚虛而痘毒盛則以解之藥爲君而分兩重以補之藥爲臣而分兩輕方內解表解毒之藥兼有者如表邪盛則以發表之藥爲君而分兩多如毒盛則以解毒之藥爲君而分兩重方內攻裏解毒之藥兼有者亦如之有註定分數者大劑小劑又隨時用之如兒弱小或症輕則減去分數用小劑如兒壯大或症急則加增分數而用大劑有該加減者查考藥性而爲之方內藥味有未註製法者俱應

于單藥性中查而製之凡用寒涼藥品除陽症傷寒熱積痢症及諸實熱等症外其餘若用之降炎上之火清血分之火俱有寒因熱用之義須依酒炒酒製之法最爲緊要同一寒藥也依法用之則取效不依法用之則爲害若痘瘡中前後所用解毒諸寒藥皆因毒火燥血而用入血分以涼血活血者是以芩連梔蘂花粉大黃等味必用酒拌濕炒燥牛蒡子必炒香研碎歸芍生地紅花紫草丹皮地骨皮之類必以酒臨時洗用此要法也而時醫苟簡粗率每不依法炒製而生用寒涼或市肆熟藥應用不惟無益

反以致害此其失非小而人不知也非惟病家莫之知而醫家亦不悟也有熱者芫芍甘草俱生用虛寒者甘草炙熟黃芪蜜炙白芍酒炒其餘不能悉指畧表出之以儆粗工此活潑潑之法正前所謂藥不執方合宜而用也

痘科類編釋意卷之三竹集終

痘科類編釋意卷之三

匏集

邯山馬之騏纂

武林約齋爾定裴

經校正重鐫

益都翟 良定

麻疹效方

內有方名同而藥異者宜詳證用之

三拗湯

百五五

治感冒風寒鼻塞聲重語音不出咳嗽喘急

生甘草

麻黃

帶根節

杏仁

帶皮尖  
各等分

右細切薑三片棗二枚水一鍾煎七分溫服以得汗為度痰滑乃止每服或三錢五錢

內托散 百五六

治一切惡瘡

綿黃芪

甘草

金銀花

牡蠣

火淬二次 各三錢

右為末水一鍾煎七分入黃酒一鍾再煎至七分

消毒湯 百五七

治一切惡瘡腫大膿已成未成等證

紫花地丁

去蘆

金銀花

當歸

大黃

酒浸炒

赤芍

黃芪

各五分

甘草

一錢

升麻

三分

右分二服每服用酒一鍾銀磁器煎半鍾溫服

麻黃湯 百五八

盛夏以及有汗者俱不可用

麻黃

去根節泡  
晒二錢

肉桂

甘草

各一錢

杏仁

十個去皮  
尖炒黃色

水一鍾煎七分溫服覆被臥得汗即愈

養榮湯 百五九

當歸

川芎

地黃

芍藥

各等分

白朮

黃芪

甘草

人參

各減半

水一鍾煎半鍾溫服

化癱湯 百六十

石膏 四錢

知母

元參 各一錢五分

甘草 一錢

糯米 一合

水一鍾半煎一鍾約米熟為度

白虎湯 又百六十

即化癱湯去元參

黃連麥冬湯 百六一

治煩渴火盛飲水不止

黃連 九節者 麥冬 肥大者以苦瓠汁浸去心 各二兩

每服一二錢或三五錢水煎溫服

生地黄散

百六二

治癰駁疹毒身熱口乾咳嗽心煩

生地

五錢

麥冬

去心  
七錢

杏仁

去皮尖

款冬花

陳皮

各三錢

甘草

炙  
二錢

每服二三錢水一鍾煎七分温服

黃連解毒湯

百六三

黃連

黃芩

黃蘗

俱酒浸  
炒

梔子

各五分  
炒

水一鍾煎七分温服

又生地黃湯 百六四

治鬱熱衄血或咯血吐血皆宜服之

黃連 生地 熟地 枸杞

柴胡 甘草 黃芪 黃芩

地骨皮 天門冬 白芍 各等分

水一鍾煎七分溫服下血加地榆

活血散 百六五

白芍不拘多少酒浸焙為細末每服二錢溫酒調下

黃連杏仁湯 百六六

治小兒邪熱癰疹咳嗽煩悶嘔逆清水眼赤咽舌生瘡

泄瀉

黃連 一錢

陳皮

杏仁 去皮尖 麩炒  
麻黃 去節

枳殼 麩炒 去穰

葛根 各五分

水一鍾煎七分溫服泄瀉加甘草厚樸

兒茶散 百六七

治麻疹聲啞無音

兒茶 五錢

蓬砂 二錢  
研細每服一匙涼水一鍾調下

梔子湯 百六八

梔子

白蘚皮

升麻

赤芍

各一錢

寒水石

甘草

各五分

紫草

薄荷

各少許

水一鍾煎半鍾溫服

消毒飲

百六九

牛蒡子

三錢炒

荆芥

防風

升麻

各一錢

甘草

五分

水一鍾煎七分溫服

清肺散 百七十

五味子 十粒

麥冬

歸身

人參

生地 各五分

黃芪 二錢

水二鍾煎一鍾食後溫服

涼膈散 百七一

連翹 四錢

大黃

梔子

薄荷

黃芩

甘草 各二錢

樸硝 一錢

竹葉 五片

為粗末每服二三錢蜜少許水一鍾煎七分食前服一方不用樸硝藥各等分

清金降火湯 百七十二

治麻疹後熱火乘金咳嗽聲啞

當歸

生地

俱酒洗

白芍

枯苓

俱酒炒

麥冬

貝母

俱去心

陳皮

杏仁

去皮尖

紫蘇

黃連

石膏

桑白皮

山梔

元參

甘草

生薑

一片

右各等分水一鍾煎七分溫服

麥冬清肺飲

百七三

治疹後咳嗽或出血或瘡水等症

知母

貝母

天冬

麥冬

桔梗

甘草

杏仁

陳皮

馬兜鈴

石膏

火煨

糯米

一撮

右各等分水一鍾煎七分溫服

又麥冬清肺飲 百七四

治脾胃虛弱氣促氣喘精神短少或衄血吐血等證

紫苑茸 一錢  
黃芪  
白芍  
炙甘 各七分

人參  
麥冬  
當歸 各五分  
北五味 九粒

水鍾半煎一鍾食後溫服

桔梗湯 百七五

桔梗 五分  
炒  
製半 二錢  
五分  
人參  
炙甘 各一錢  
五分

每服三錢或五錢水二鍾煎一鍾食後溫服

蘇合丸 百七六

白朮 青木香 沉香 烏犀角屑

訶子 煨去核 丁香 香附 白檀香

硃砂 另研水飛 麝香 葶芩 安息香 另末酒熬膏

龍腦 薰陸 俱另研 蘇合油

右除龍腦薰陸蘇合油三味外俱各二錢研細用息香膏蘇合油併煉蜜丸如櫻桃大每服一丸用生薑葱白自然汁化開白湯調下

黃芩湯 百七九

治疹後赤白痢

青皮 去穢

黃芩

黃連 酒洗 俱炒

川芎

人參

枳殼 去穢 麩炒

檳榔

甘草

木香 另研為末藥好冲服各等分

水一鍾煎半鍾溫服如未愈再煎調益元散 二百服 三二服

三仙散 百七八

山查

神麩

麥芽 各一兩

研細每服二錢入白糖一分百沸湯調下

瀉白散 百七九

一名瀉肺散

治肺氣壅盛咳嗽不已

桑白皮

地骨皮

各一兩炙甘 二錢

研末每服三四錢粳米百粒食後溫服

白朮黃芩湯 百八十

治疹後痢疾調和脾胃

白朮 一兩

甘草 三錢

黃芩 七錢  
炒

每服五錢水二鍾煎一鍾食前溫服

三黃湯

百八一

治三焦火盛煩渴不止肌肉積熱結滯臟腑心膈煩躁  
咽喉腫閉小便赤澁大便秘結俱宜服之

黃連

黃芩

大黃

煨各等分

每服四錢水煎空心溫服或研細蜜丸如桐子大腦麝  
爲衣每服五丸至十丸熟水送下

當歸六黃湯 百八二 一方等分倍加黃芩

當歸

黃芪 各一錢 生地

黃檗

黃芩

黃連 各七分

水二鍾煎一鍾臨臥食前通口服小兒減半

地黃湯 百八三

治小兒鼻中衄血

生地

川芎

赤芍

當歸 各等分

加蒲黃少許水一鍾煎七分溫服

獨棗湯

百八四

治痘疹後牙疳牙齦潰爛肉腐出血等證

紅棗

一枚  
去核

雄黃

米粒  
一塊

將雄黃入棗肉內燒灰存性研末米泔煎湯入塩少許  
漱口擦之

雄黃散

百八五

治小兒因痘疹後牙齦生疳蝕瘡

雄黃

一兩

銅青

二錢

研極細量瘡大小乾摻其上

調中湯 百八六

治夏秋之間暴寒所折熱結于四肢則壯熱頭疼寒傷于胃則下痢或血或水並宜服之

大黃 七錢

黃芩

藁本

白朮

葛根

芍藥

桔梗

茯苓

炙甘 各五錢

右細切每服五錢水鍾半煎八分溫服得利卽止不利再服

清胃散 百八七

治因服熱藥或食辛物熱物致使牙疼牽引頭腦滿悶  
發熱大痛喜寒惡熱等症

歸身

黃連

夏月倍

生地

酒洗  
各三分

丹皮

五分

升麻

一錢

水一鍾煎半鍾涼服

化蟲丸 百八八

治蟲細小者化為水大者自下

鶴虱 去土

檳榔

苦楝皮

東引不出土者

胡粉

各一兩炒

枯礬

二錢五分

研細米糊丸桐子大每歲五厘温漿入生麻油三四點

打勻送下清米飲亦可

又化蟲丸 百八九

能化蟲為水

硫黃 一兩

木香 五錢

密陀僧 三錢

附子 一枚炮乾  
另為細末

先以附子末用醋一鍾熬膏餘研細以膏丸如綠豆大  
每服二十九荊芥茶清下

調胃散 百九十

蒼朮

米泔浸去  
粗皮八錢

厚樸

薑汁炒

陳皮

各五錢

茯苓

丁香

甘草

白朮

各二錢

為粗末加薑棗煎溫服或研細沸湯入鹽點服二三錢

通聖散 百九一

川芎

當歸

麻黃

薄荷 各五錢

連翹

白芍 各七錢

黃芩

石膏

桔梗

甘草 各一兩  
滑石 三兩

荆芥

梔子

白朮 各一錢  
五分

研細每服三錢生薑三片搗爛煎湯調下如身疼加蒼朮羌活痰嗽加半夏

防風通聖散

百九二

此治風熱燥之總劑也蓋風本于熱熱極則風生燥生於風風動則燥至是風熱燥三者其實一源流也故此一方能兼治之因證加減詳載于方後用者察之

防風

川芎

當歸

芒硝

芍藥

大黃

薄荷

麻黃

去節

連翹

各五錢

石膏

黃芩

桔梗

各一兩

滑石

甘草

各三兩

荆芥

白朮

梔子

各三錢

一方有砂仁無芒硝

右爲粗末每服三錢薑三片水一鍾煎六分溫服

生癰疹或赤或白倍加麻黃鹽豉葱白發汗過依前方

加四物湯

九十

黃連解毒湯

百六

三藥合煎日二服

勞汗當風汗出爲皴鬱去芒硝倍加歸芍 解利四時

傷寒加益元散

二百

五錢薑三片葱白三根鹽豉一撮水

一大碗煎六七沸溫服一半以鵝翎探之卽吐吐後更

服一半汗出立解 諸風潮搐及小兒大便秘結邪熱

暴甚腸胃乾燥寢汗咬牙目睛上竄轉筋驚悸倍大黃

梔子煎調茯苓末二錢如肌肉蠕動者調羌活末一錢

元參升麻湯 百九三

治發癍咽疼濕毒發癍或傷寒失下熱毒在胃發癍或汗下吐後餘邪不散表虛裏實發癍于外甚則煩躁譫語皆宜服之

元參 升麻 甘草 各一錢 水煎溫服

瀉心散 百九四

治心經邪熱狂言妄語心神不安

龍腦 牛黃 硃砂 各一錢五分 生大黃 一兩

各為末和勻再研每服三錢涼薑湯蜜水調下

瀉心湯 百九五

治心經蘊熱

黃連為細末水調服

承氣湯 百九六

治胃實譫語五六日不大便腹痛煩渴併少陰舌乾口燥日晡發熱脉沉實者

大黃 酒洗

厚樸 薑製

枳殼 麩炒

芒硝 各等分

水二鍾煎枳樸至鍾半去渣入大黃再煎至一鍾去渣入芒硝再少煎服以利為度量虛實加減服

調中湯 百九七

治內傷外感所發陰癘

蒼朮

一錢五分

陳皮

一錢

藿香

炒

砂仁

炙甘

桔梗

製半

白芷

羌活

枳殼

各七分

川芎

五分

麻黃

去節

桂枝

各三分

薑三片水二鍾煎一鍾溫服

陽毒升麻湯 百九八

治陽毒赤癍及傷寒一二日間身發癍爛或吐下後變成陽毒腰腎疼痛面赤狂言吐膿血咽喉腫下利脉浮大等證

升麻 一錢

犀角屑

射干

黃芩

人參

甘草 各等分

水二鍾煎一鍾食前溫服

梔子湯 百九十九

治陽毒傷寒發熱發狂百節疼痛身發癰爛煩躁面赤

咽痛

梔子

赤芍

知母

升麻

柴胡

石膏

黃芩

各一錢

甘草

五分

杏仁

去皮尖

豆豉

一百粒

一方加大青

即藍葶葉一錢

右細切分作二服每服薑三片水一鍾煎七分溫服

石膏湯 二百

石膏 一兩

梔子

大青

升麻

芒硝 各一錢  
五分

豆豉 一合

葱白 五根

生薑 五錢

水鍾半煎七分去渣入芒硝候溫徐徐服之

黃連橘皮湯 二百一

治濕毒發癩

黃連 四錢

橘皮

杏仁 去皮尖

枳實

麻黃 去節  
湯泡

葛根 各二錢

水二鍾煎七分溫服

升麻鼈甲湯 二百二

治陰癰

升麻 二錢

甘草

當歸 各錢半

川椒 二十粒

鼈甲 炙一錢

雄黃

四分  
另研

水二鍾煎一鍾去渣調雄黃末溫服

大青四物湯 二百三

大青即藍靛

治瘟疫發癰

大青 四錢

阿膠 炒成珠

炙甘 各一錢

香豉 一合

水一鍾煎七分溫服

黑膏 二百四

治濕毒陰癰由冬月太暖人受不正之氣至春發癰如  
錦紋者脉浮屬陽脉沉屬陰皆宜服之以消不正之氣

生地 八兩  
香豉 一觔

右細切以猪膏二觔合煎濃汁如膏用雄黃麝香如綠  
豆大一塊爲末入膏內攪勻每服彈子大一塊白滾湯  
化下

加味敗毒散 二百五

治瘟疫發癰及癰疹等證或因虛而感冒風濕發癰亦

宜服之

羌活

獨活

前胡

柴胡

當歸

川芎

枳殼

桔梗

人參

茯苓

各五分

甘草

薄荷

各二分半

白朮

防風

荆芥

蒼朮

芍藥

生地

各五分

薑三片棗二枚水二鍾煎七分溫服

犀角消毒飲 二百六

治發癩癰疹等證

牛蒡子 四錢  
荆芥

防風 各二錢  
甘草 一錢

犀角 一錢另磋為  
未臨服入之

水二鍾煎一鍾調犀角末溫服

石膏六合湯 二百七

治妊娠傷寒身熱大渴蒸而煩

石膏 知母 各五分  
四物湯 九十  
三 四錢

水鍾半煎一鍾溫服

外科類編卷之三  
解毒防風湯 二百八

治發癩及癰疹癢痛

防風 一錢

荆芥

地骨皮

黃芪

芍藥

枳殼

牛蒡子

炒各五分

水二鍾煎一鍾溫服

加味羌活散 二百九

治感四時不正之氣發為癩疹

羌活

前胡 各一錢

人參

桔梗

炙甘

枳殼 麩炒

川芎

白茯苓

天麻 各五錢

蟬蛻

薄荷 各三錢

薑三片水二鍾煎一鍾溫服

消風散 二百十

治諸風上攻頭目昏眩項背拘急鼻嚏聲重耳作蟬鳴  
及皮膚頑麻瘙癢癰疹婦人血氣頭皮腫癢等證

荆芥

炙甘 各二錢

陳皮 焙去白

厚樸

薑製去粗皮各五錢

人參

防風

白僵蠶 炒

藿香葉

茯苓

川芎

蟬蛻 去土炒

羌活

各一兩一方等分

右研細每服二錢感風頭痛鼻流清涕荆芥湯茶清調

下徧身瘡癬温酒下

葛根橘皮湯 二百十一

治肌膚癢駁濕痛始發欬而心悶但嘔清水

葛根

橘紅

杏仁

知母

黃芩

麻黃

甘草

各等分

右細切每服五錢水一鍾煎七分溫服

漏蘆湯 二百十二

治臟腑積熱發爲腫毒時疫疔瘡瘰癧頭面紅腫咽噎填塞  
水藥不下一切危惡疫癘

漏蘆

升麻

大黃

黃芩

藍葉

卽大藍  
青靛葉

元參

各等分

右細切每服二三錢水一鍾煎七分溫服熱結加芒硝

又方漏蘆湯 二百十三

治五種丹毒及一切瘡癤毒腫孕婦忌服

漏蘆

白薇

黃芩

麻黃

樸硝

升麻

炙甘

芍藥

枳實

各一錢  
麩炒

大黃

二錢

右細切每服三錢水一鍾煎七分空心熱服或加薑三

片薄荷葉三片以利下惡物為度 一方加連翹枳殼

地丁銀花去甘草枳實芍藥餘各等分大黃地丁銀花

減半

固胎飲 二百十四

止痛安胎

熟地

川芎 各五分

歸身

人參

白芍

陳皮 各一錢

白朮

黃芩 各一錢五分

甘草 三分

黃連

黃蘗 各一分

加桑上羊兒藤七葉圓者俱細切每服二三錢入糯米二十粒水一鍾煎七分溫服痛者加砂仁血虛加阿膠

金匱當歸散 二百十五

治胎動不安妊娠宜常服之乃養血清熱之要劑也

當歸

川芎

黃芩

各一兩

白芍

白朮

五錢

研細每服二三錢空心溫茶湯下日三二服

升麻六合湯 二百十六

治妊娠傷寒下後過經不愈濕毒發癩如錦紋者

四物湯

九十三四錢

升麻

連翹

各七分

水鍾半煎一鍾溫服

凡安胎用黃芩乃上中二焦藥

降火下行用砂仁止痛行氣若血虛胎不安阿膠主之

麥湯散 二百十七

治水痘

地骨皮 炒

炙甘

滑石 各一錢  
麻黃 去節

人參

熟地

知母

甜葶藶

羌活 各三分

爲粗末小麥七粒水一鍾煎半鍾溫服

附補摘錄張會卿方藥

射干鼠粘子湯 二百十八

治痘壯熱大便堅實或口舌生瘡咽喉腫痛皆餘毒所致若痘疹初出發熱焮痛根盤赤盛或咽喉口舌疼痛作渴引飲者宜用若因胃氣虛弱發熱而致前証者宜人參麥冬散

鼠粘子

四兩炒杵

灸甘

升麻

射干

各一兩

右每服三錢水一大鍾煎六分徐徐溫服

前胡枳殼湯 二百十九

治痰實壯熱胸中煩悶大便堅實臥則喘急若屬肺胃  
實熱氣鬱痰滯大便秘結小便赤澁煩渴飲冷身熱脉  
實者宜用之以疏通內臟使邪無壅滯則瘡輕而易愈  
也

前胡 一兩

枳殼

赤茯苓

炙甘

大黃 各五錢

右改咀每服三五錢水一大鍾煎至六分不拘時溫服  
此方宜量大小加減如身溫脉微并瀉者不可服

柴歸飲 二百二十

治痘初起發熱未退無論是否疑似之間均宜用此平和養營之劑以為先着有毒者可托有邪者可散實者不致助邪虛者不致損氣凡陽明實熱邪盛者宜升麻葛根湯如無實邪則悉宜用此增減主之

當歸 一三錢  
芍藥 一錢半 或生或炒  
柴胡 一錢 或  
荆芥穗 一錢

炙甘 七分 或  
一錢

水鍾半煎服或加生薑三片血熱者加生地陰虛者加熟地氣虛者加人參血寒者加炮薑肉桂火盛者加黃

本草類編卷之三  
卷之三  
苓熱盛者加乾葛腰痛者加木香砂仁嘔惡者加炮薑  
陳皮若治麻疹或以荆芥易乾葛陰寒盛而邪不能解  
者加麻黃桂枝

解毒湯 二百二一

治一切熱毒腫痛或風熱搔癢

黃連

金銀花

連翹

水煎服

疎邪飲 二百二二

治痘疹初起發熱凡血氣強盛無藉滋補者單宜解邪  
用此方為主以代升麻葛根湯及蘇葛湯等方最為妥  
當

柴胡

芍藥 俱焙用酒炒

蘇葉

荆芥穗

炙甘 減半

水鍾半煎服無火者加生薑三片火盛內熱者加黃芩  
渴者加乾葛

涼血養營煎

二百二十三

治痘瘡血虛血熱地紅熱渴或色燥不起及便結溺赤  
凡陽盛陰虛等証悉宜用此

生地

當歸

芍藥

生甘草

紫草

黃芩

紅花

地骨皮

水鍾半煎服量見大小加減用之渴加天花粉肌熱無  
汗加柴胡熱毒盛者加牛蒡子木通連翹之屬血熱毒  
不透者加犀角

柴葛煎 二百二四

治痘疹表裏俱熱散毒養陰及溫疫等証

柴胡

乾葛

芍藥

黃芩

甘草

連翹

水鍾半煎服

真人解毒湯 二百二五 治痘母

忍冬花 八兩  
甘草節 一兩  
木通  
防風

荆芥  
連翹 各三錢

右分作三劑用水酒各一鍾煎服以腫消痘出為度

搜毒煎 二百二十六

解痘疹熱毒熾盛紫黑乾枯煩熱便結純陽等證

紫草

地骨皮

牛蒡子

杵

黃芩

木通

連翹

蟬蛻

芍藥

水鍾半煎服渴者加花粉麥冬陽明熱甚頭面牙齦腫痛者加石膏知母大腸乾結又臍腹實脹者加大黃芒硝血熱妄行者加犀角童便小水熱閉者加山梔車前子兼表熱者加柴胡

九味異功散 二百二十七

治痘寒戰咬牙倒陷嘔吐泄瀉腹痛虛寒等証 代陳

氏十二味異功散等方

人參

當歸

熟地

黃芪

各二錢

炙

炮薑

製附子

各一錢

肉桂

一錢

炙甘

七分或一錢

丁香

三五分或一錢

右量兒大小加減水鍾半煎七分徐徐服之如泄瀉腹

痛加肉豆蔻麩炒一錢或加白朮一二錢

六物煎 二百二十八

治痘疹血氣不克隨証加減用之神效不可盡述并治男婦氣血俱虛等証

炙甘草

當歸

熟地

或用地

川芎

三四分不宜多

芍藥

俱隨宜加減

人參

或有或無隨虛實用之氣不虛者不必用

右咀水煎服如發熱不解或痘未出之先宜加柴胡以

疎表或加防風佐之如見點後痘不起發或起而不貫

或貫而漿薄均宜單用此湯或加糯米人乳好酒肉桂

川芎以助營氣如氣虛癢塌不起加川山甲炒用如紅

紫血熱不起宜加紫草或犀角加脾氣稍滯者宜加陳  
皮山查如胃氣虛寒多嘔者加乾薑炒用或加丁香如  
腹痛兼滯者加木香陳皮表虛氣陷不起或多汗者加  
黃芪氣血俱虛未起未貫而先癢者加肉桂白芷如元  
氣大虛寒戰咬牙泄瀉宜去芍藥加黃芪大附子乾薑  
肉桂

六氣煎 二百二十九

治痘氣虛癢場倒陷寒戰咬牙并治男婦陽氣虛寒等症

黃芪 炙

肉桂

人參

白朮

當歸

炙甘

右咀水煎服加減法照前六物煎

五物煎 二百三十

即四物湯加肉桂一二三錢 九三

治痘瘡血虛寒滯等證神效如血虛寒勝邪在表者加細辛麻黃柴胡紫蘓之屬

透邪煎 二百三一

凡麻疹初熱未出之時惟恐誤藥故云未出之先不宜用藥然解利得宜則毒必易散而勢自輕減欲求妥當當先用此方為主

當歸 二三錢  
酒芍 一二錢  
防風 七八分  
荆芥 一錢

炙甘 七分  
升麻 三分

水鍾半煎服如熱甚脈洪滑者加柴胡一錢此外凡有雜症俱可隨宜加減

益元散 二百三二

一名六一散

治中暑身熱煩渴小水不利治痢之聖藥

粉甘草 一兩  
桂府滑石 飛六兩

研極細每服二三錢新汲水調下加辰砂三錢名辰砂

益元散

補遺

加味四苓散

二百三三

猪苓

木通

各八分

赤茯苓

澤瀉

各七分

車前子

畧炒

牛蒡

揀淨炒  
香研碎

黄芩

黄連

俱乾炒  
各五分

加燈心一團食前服

參朮散 二百三四

白朮 用裏白無油者去蘆 刮皮炒 一兩 人參

白茯苓 去皮

炙甘草 去皮 薏苡仁 炒熟 揀淨 砂仁

家蓮子 去心 炒

真神麩 炒 查肉 各五錢

肉苳蔻 麵裏煨熟切細用 火紙包打去油

廣陳皮 洗淨去筋膜 曬燥

柯子 煨取肉 各四錢 南木香 三錢

研細末用二錢清米飲調食前溫服或入稀粥內和服

痘科類編釋意卷之三匏集終